

SAKSPAPIR

Saksnr	Utval	Type	Dato
024/22	Plan- og kommunalteknisk utval	PS	02.03.2022
	Formannskapet	PS	
	Heradsstyret	PS	

Saksbehandlar	ArkivsakID
Anders Gulowsen	22/432

Oppstart planarbeid - Temaplan for naturmangfald

Vedlegg:

Kommuneplanen sin samfunnsdel_HS-vedtak-13.10.21.

Planprogram KPA 2024-2034 13.01.22

Soknad 22SC6B27

Supplerande opplysningar

Stadfesting tilskudd

Rådmannen sitt framlegg til vedtak:

Det vedtas oppstart av temaplan for naturmangfald. Planen skal ferdigstillast i løpet av 2023.

Plan- og kommunalteknisk utval - 024/22

PL - behandling:

AVRØYSTING:

Samrøystes vedteke

PL - vedtak:

Heradsstyret vedtek oppstart av temaplan for naturmangfald

Saksopplysningar:

Saksopplysningar:

Bakgrunn

Rådmannen ønskjer å starte opp arbeidet med ein temaplan for naturmangfald og har mottatt 150.000 kroner i støtte til dette arbeidet frå Miljødirektoratet. Temaplan for naturmangfald skal integrerast i kommuneplanens arealdel (KPA).

Naturmangfald og berekraftig forvaltning av livsgrunnlaget er peika ut som eit hovudmål i kommuneplanens samfunnsdel. I tillegg er det omtalt som ein viktig del av KPA i planprogrammet. Osterøy kommune har ikkje temaplan for naturmangfald i dag.

Temaplan for naturmangfald står ikkje i planstrategien. Dette er fordi naturmangfaldskartlegging var tenkt gjennomført som ein integrert fagdel av KPA. I oppstartsfasen til KPA har det vist seg at det vil

vere fordelaktig å utarbeide ein eigen temaplan for naturmangfald og integrere denne i KPA.

Fordeler ved å gjennomføre naturmangfaldskartlegginga som ein eige temaplan er mellom anna:

- Planen kan vedtas uavhengig av framdriften i kpa. I tillegg kan det gjennomførast innspelsrundar og høyring uavhengig av kpa.
- I ein temaplan skal det vere ein handlingsplan som vil vise til konkrete tiltak og strategiar.
- Tiltak forankra i ein handlingplan vil lettare kunne søkast støtte til.
- Å utarbeide ein temaplan gjer det mogleg å søke støtteordningar til arbeidet.
- I planprogrammet til KPA bes det om innspel knytt til natur. Desse innspela kan vurderast av fagkyndige i ein temaplan.

Om Temaplan for naturmangfald

Arbeidet med temaplanen startar opp våren 2022. Det er ein føresetnad for tildelte midlar at temaplanen vert vedteken innan 2023. Det er førebels ikkje utarbeidd ein detaljert prosjektplan da positivt svar på støtte frå Miljødirektoratet vart varsla i veke 8.

Det er tenkt ein stor grad av medverknad i denne temaplanen. Mellom anna er ein god og effektiv kartlegging avhengig av eit godt samarbeid med frivillige, lag og organsisjonar i tillegg til at det er ønskeleg å kople på barn- og unge gjennom skulane. Det vil nyttas innleigde fagkyndige konsulentar til vurdering av innspel, observasjonar, identifisering av områder og registrering av områder i kartløyser og offisielle register.

Framdriftsplan Temaplan for naturmangfald Osterøy kommune. Tentativ.

	Frå	Til
Vedta oppstart av temaplan.		02.03.22
Innspelsrunde (formell innspelsrunde via planprogrammet KPA)	24.02.22	31.03.22
Innspel, involvering og medverknad.	03.03.22	Gjennom heile prosessen.
Etablering av ressursgruppe. Intern og ekstern gruppe.		18.03.22
Planperioden: Samanstilling av kjente data, innspel og annan kunnskap. Bruk av konsulentar til kvalitetssikring av data, rådgiving, kartlegging, registreringar. Kartfesting av områder. Handlingsdel.	02.03.22	31.01.23
Ferdigstille plan.	31.01.23	31.03.23
Høyring av plan.		27.05.23
Endringar etter høyring.		24.06.23
Vedtak av plan.		Innan sept 23

Målsettingar med planen:

- Sikre eit oppdatert og samla kunnskapsgrunnlag.
- Identifisere områder og sikre nok kunnskap til å opprette omsynssoner i KPA.
- Identifisere områder som kan sikrast gjennom registrering i offentlege register.
- Ein handlingsplan med tiltak.

- Følgje opp nasjonale, regionale og lokale målsettingar med omsyn til naturmangfald.

Vurdering

Naturmangfald er eit viktig tema i dagens samfunn og eit satsingsområde for Osterøy kommune forankra i kommuneplanens samfunnsdel. På Osterøy er me så heldige å ha ein fantastisk natur med mange spanande og unike områder. Som arealmynde har kommunen eit stort ansvar for å ivareta naturen, ikkje berre for å sikre livsgrunnlaget til artane som lev her, men også med tanke på framtidas ostringar.

På Osterøy har me ein jobb å gjere. Mellom anna er kommunen rangert som nr 327 av av landets 354 kommunar på Naturkampen Sabima. Krava til naturmangfaldskartlegging gjennom naturmangfaldslova (kjent som føre-var) prinsippet gjeld uansett, men ein temaplan for naturmangfald vil kunne gjere dette til ein meir føreseieleg prosess om den kartfester og identifiserer viktige områder.

Økonomi

Det vil krevje ressursar å arbeide med ein temaplan for naturmangfald og det vil vere noko meirarbeid med ein eige temaplan framfor å kartlegge gjennom KPA.

Som arealmynde så må kommunen kartlegge naturmangfald uansett, noko som kjem fram i samfunnsplanen og planprogrammet til KPA. Fordelene ved å gjennomføre dette som ein temaplan er store og det kommunen er allereie tildelt 150.000 kr for å sikre det i ein eigen temaplan.

Konklusjon

Fordelane ved å utarbeide ein eige temaplan for naturmangfald er vurdert som store.